

Blom Fiskeoppdrett AS

5337 RONG

Dato: 05.02.2018

Vår ref.: 2017/17295-3

Saksbehandlar: Endre Korsøen

Telefon: 917 64 632

Blom Fiskeoppdrett AS - Løyve til å etablere anlegg for oppdrett av matfisk av laks og aure på lokalitet 11738 Otterholmen i Radøy kommune

Vi syner til Dykkar søknad av 27.11.2017, kor det vert søkt om lenging av løyve til oppdrett av matfisk av laks og aure på lokalitet 11738 Otterholmen i Radøy kommune.

Vedtak

Blom Fiskeoppdrett AS, org.nr. 840215512, med akvakulturløyva H-L-19, H-ML-1, H-R-4, H-R-8 og H-R-11 får med dette løyve til å etablere flytande akvakulturanlegg for oppdrett av matfisk av laks (*Salmo salar*), aure (*Salmo trutta*) og regnbogeare (*Oncorhynchus mykiss*) i sjø på følgjande lokalitet i Radøy kommune:

Lokalitetsnr.	Lokalitetsnavn	Kommune	MTB
11738	Otterholmen	Radøy	3600 tonn

Løyve gjeld for ei anleggsplassering som vist i vedlagte kart og som har følgjande koordinatfesta posisjonar i grader og desimalminuttar (Kartdatum Euref 89/WGS84)

Midtpunkt	1	2	3	4	5	6
N 60° 41.185'	N 60°41.256'	N 60°41.318'	N 60°41.316'	N 60°41.193'	N60°41.089'	N60°41.148'
Ø 4° 54.521'	Ø 4° 54.394'	Ø 4° 54.508'	Ø 4° 54.542'	Ø 4° 54.712'	Ø 4°54.623'	Ø 4°54.305'

Lokaliteten er med dette klarert for følgjande akvakulturløyve:
H-L-19, H-ML-1, H-R-4, H-R-8 og H-R-11.

Kvart av løyva omfattar ei maksimal tillaten biomasse (MTB) på 780 tonn. For nærmare oversikt over kva lokalitetar som er godkjent for dei einiskilde løyva, viser vi til akvakulturregisteret.

Lokalitetsbiomassen skal ikkje på noko tidspunkt overskride 3600 tonn MTB.

Dette løyve erstattar tidlegare lokalitetsklarering for 11738 Otterholmen av 21.06.2016.

Lovheimel

Løyvet er gjeve av Hordaland fylkeskommune med heimel i Lov av 17.06.2005 nr. 79 om akvakultur og Forskrift av 22.12.2004 nr. 1798 om tillatelse for akvakultur for laks, ørret og regnbueørret (laksetidelingsforskrifta). Dette løyvet etter akvakulturlova inkluderer løyve etter matlova, forureiningslova og hamne- og farvannslova.

BAKGRUNN OG SAKSGANG

Om søknaden

Blom Fiskeoppdrett AS søkte 27.11.2017 om lenging av løyve til oppdrett av matfisk av laks og aure på lokalitet 11738 Otterholmen i Radøy kommune.

Bakgrunnen for søknaden er at Hordaland fylkeskommune i vedtak av 21.06.2016 gav tidsavgrensa løyve for to produksjonssyklusar gjeldande fram til 31.08.2020 med følgjande grunngeving:

«Hordaland fylkeskommune meiner det er uheldig at fortøyingar vert liggande inn i trålfelt, til hinder for utøving av rekefiske. Rekefeltet ved Helleosen har ikkje vore tråla på mange år, og vi ser det som lite truleg at det vil bli nytta i løpet av dei neste fire åra. Med denne bakgrunn vert løyvet gjeve mellombels for to produksjonssyklusar. Innan løyvet går ut må selskapet finne ei alternativ plassering av anlegg og fortøyingar som ikkje er til hinder for trålfiske etter reke i Helleosen».

Til grunn for den ovanståande grunngevinga låg denne vurderinga:

«Søknaden er vurdert opp mot anna og alternativ bruk av området. Selskapet søker om utskifting og utviding av anlegg i eit område som tidlegare er klarert for oppdrettsverksemd. Med den omsøkte utvidinga vil fire nye fortøyingar mot sørvest verte liggande i eit registrert rekefelt i Helleosen og sperre for rekefiske her. I høve til kommuneplanen kjem fortøyingane ikkje i konflikt med rekefeltet, men dette er ikkje i samsvar med Fiskeridirektoratet sine registreringar, kor rekefeltet strekk seg lenger ut. Fiskeridirektoratet kan ikkje gå inn for søknaden utan at fortøyingane vert plassert på ein slik måte at dei ikkje kjem til hinder for trålfiske. Fylkeskommunen er einig med Fiskeridirektoratet i at rekefiske på sikt kan kome tilbake i området, og at det er viktig at rekefelta vert haldne fri for installasjonar som er til hinder for tråling. Selskapet må finne alternative plasseringar for anlegg og fortøyingar, som ikkje er til hinder for fiske etter reke med trål.»

Blom Fiskeoppdrett AS søker no om løyve utan tidsavgrensing på lokalitet Otterholmen. Verksemda meiner at når lokaliteten skal vurderast opp mot andre arealinteresser, bør omsynet til oppdrett kome fyrst. Det er vanskeleg, kanskje umuleg å plassere eit slikt oppdrettsanlegg i dette området utan at det kjem i konflikt med rekefeltet. Dersom fortøyingane vert for korte vil det bli vanskeleg å få godt ankerfeste og det vil bli stor last i fortøyingane. Ein kan heller ikkje flytte lenger inn på grunn av djupna.

Sjøkabelen, som ligg sentralt gjennomgåande midt i rekefeltet, vil vera eit stort hinder for tråling. Blom Fiskeoppdrett AS ser det som diskriminerande å tillate eit permanent hinder, som ein slik kabel representerer, framfor fortøyingar frå eit oppdrettsanlegg.

Det er ikkje registrert tråling i dette feltet på veldig mange år. Verksemda sine folk har ikkje sett ein trålar her så lenge lokaliteten har vore i bruk (år 2000). Trålfeltet er lite og mengda reke som kan takast opp her er ubetydeleg.

Sektorstyresmaktene og kommunen si handsaming

Denne søknaden gjeld endringar i løyve etter akvakulturlova. Då lokalitetane er tidlegare klarert jf. løyve datert 21.06.2016, og det ikkje er søkt om endring i bruk av areal eller biomasse er ikkje søknaden send til Fylkesmannen i Hordaland, Mattilsynet, Kystverket Vest eller Radøy kommune for handsaming.

Søknaden er handsama av Fiskeridirektoratet Region Vest 29.01.2018, med følgjande uttale:

Det er lagt ut anlegg på begge sider av fjorden og det er naturleg at trålfeltet vert mindre brukt nettopp pga risiko for å kome borti fortøyingane til eit av anlegga. I tillegg har BKK lagt ut kabel gjennom heile trålfeltet. Etter ei totalvurdering, ser ikkje lenger Fiskeridirektoratet at feltet har stor verdi for fiske.

GRUNNGJEVING FOR VEDTAKET

Hordaland fylkeskommune har vurdert søknaden etter lov av 17. juni 2005 nr 79 om akvakultur, og i høve til generelle vilkår for klarering av akvakulturlokalitet som er gjevne i § 30 i laksetildelingsforskrifta som seier at lokalitet for akvakultur kan klarerast dersom:

- a) *det er miljømessig forsvarlig;*
- b) *det er foretatt en avveining av arealinteresser, med særlig vekt på*
 - 1. *søkers behov for areal til planlagt akvakultur,*
 - 2. *alternativ bruk av området til annen akvakultur,*
 - 3. *annen bruk av området, og*
 - 4. *verneinteresser som ikke omfattes av bokstav d.*
- c) *det er gitt tillatelser som kreves etter*
 - 1. *lov 19. desember 2003 nr. 124 om matproduksjon og mattrygghet mv.,*
 - 2. *lov 13. mars 1981 nr. 6 om vern mot forurensninger og om avfall,*
 - 3. *lov 17. april 2009 nr. 19 om havner og farvann.*
 - 4. *lov 24. november 2000 nr. 82 om vassdrag og grunnvann, og*
 - 5. *lov 19. juni 2009 nr. 97 om dyrevelferd; og*
- d) *det ikke er i strid med*
 - 1. *vedtatte arealplaner etter plan- og bygningsloven,*
 - 2. *vedtatte vernetiltak etter kapittel V i lov 19. juni 2009 nr. 100 om forvaltning av naturens mangfold,*
 - 3. *vedtatte vernetiltak etter lov 9. juni 1978 nr. 50 om kulturminner.*

Når det gjeld vurderingar i forhold til avveging av andre arealinteresser, vurderingar i høve til løyve etter anna lovverk og vurderingar i forhold til om tiltaket er i strid med vedtekne arealplanar og vernetiltak er dette gjort i tidlegare vedtak om lokalitetsklarering av 21.06.2016. Det same gjeld i høve til om tiltaket er miljømessig forsvarleg med omsyn til biologisk mangfald og økologiske effektar. Då det ikkje skjer endringar i arealbruk eller produksjon er det ikkje trong for ny vurdering av desse punkta.

Hordaland fylkeskommune har gjort ein ny vurdering av tilhøve mellom plasseringa av ankerfeste og fortøyningane og det registrerte rekefeltet i Helleosen. I denne vurderinga har ein lagt til grunn nye moment framført av Blom Fiskeoppdrett AS, samt uttale frå Fiskeridirektoratet Region Vest. Hordaland fylkeskommune meiner framleis det er uheldig at fortøyningar vert liggande inn i trålfelt, til hinder for utøving av rekefiske. På lokaliteten Otterholmen er det imidlertid vanskeleg å fortøye eit oppdrettsanlegg forsvarleg utan at dette kjem til hinder for bruk av trålfeltet, samt at sjøkabelen som ligg i trålfeltet er til hinder for bruken. Med denne bakgrunnen vert det gjevne løyve utan tidsavgrensing på lokalitet Otterholmen.

Ved handsaming av søknaden er sakshandsamingsreglane i naturmangfaldlova av 19. juni 2009 nr. 100 § 8 -12 følgt i vurdering av om tiltaket det vert søkt om er miljømessig forsvarleg etter laksetildelingsforskrifta §30a. Lokalitetsvurderinga har, tidlegare, på vanleg måte etter reglane i akvakulturlova vore til handsaming hjå kommunen og sektorstyresmaktene, og det er ikkje kome opplysningar om at saka ikkje er tilstrekkeleg opplyst i høve til oppdrettsanlegget si påverknad på naturmangfaldet. Hordaland fylkeskommune vurderer derfor at kunnskapsgrunnlaget er tilstrekkeleg til å fatte eit vedtak og at det omsøkte tiltaket ikkje har ein irreversibel påverknad på naturmangfaldet. Den samla belastninga på naturmiljøet blir uendra.

Etter ei samla vurdering, etter Lov om akvakultur 17.06.2005 nr. 79, gjev Hordaland fylkeskommune Blom Fiskeoppdrett AS, org.nr. 840215512, med akvakulturløyva H-L-19, H-ML-1, H-R-4, H-R-8 og H-R-11, løyve til å etablere flytande akvakulturanlegg for oppdrett av matfisk av laks (*Salmo salar*), aure (*Salmo trutta*) og regnbogeaure (*Oncorhynchus mykiss*) på Otterholmen i Radøy kommune.

Generelle vilkår

- Anlegget skal ligge i samsvar med vedlagte kart og anleggsskisser og i samsvar med godkjente koordinatar for anlegget sine ytterpunkt.
- Løyve vert gitt utan ansvar til nabo-, eigedom-eller andre privatrettslege forhold.
- Løyve vert gjeve med føresetnad av at etablering, drift og eventuell avvikling vert gjennomført i samsvar med til ein kvar tid gjeldande lover, forskrifter og vilkår.
- Kopi av dette løyvet med vedlegg skal oppbevarast tilgjengeleg for alle medarbeidarar på anlegget og for alle som har kontrollrett.

Som konsesjonsinnehavar har De plikt til å sette Dykk inn i det regelverket som gjeld for løyve etter Akvakulturlova. Akvakulturloven med tilhøyrande forskrifter er tilgjengelig på www.lovdatab.no.

Anna

Hordaland fylkeskommune viser til kravet i § 35 i forskrift av 17.06.2008 nr. 822 om drift av akvakulturanlegg når det gjeld miljøovervaking og rapportering av miljøundersøkingar til myndigheitene. Vi ber om at miljøundersøkingar blir sendt til myndigheitene via Altinn.

Når det gjeld drift av løyve, viser vi til forskrift 17.06.2008 nr. 288 om drift av akvakulturanlegg (akvakulturdriftsforskrifta) og forskrift av 19.3.2004 nr. 537 om internkontroll for å oppfylle akvakulturlovgivinga.

Klagerett

Vedtaket kan klagast på. I medhald av forvaltningsloven § 27b er det sett som vilkår for å gå til søksmål at ein har nytta retten til å klage fullt ut. Merk at ei klage ikkje fører til utsett iverksetting av vedtaket. Det er likevel mogleg å søke om at iverksetting vert utsatt til klagesaka er avgjort.

Bård Sandal
fylkesdirektør regional utvikling

Sølve Sundbø
seksjonssjef

Brevet er godkjent elektronisk og har derfor inga underskrift.


Vedlegg:

Utsleppsløyve frå Fylkesmannen i Hordaland 12.04.2013
Uttale frå Mattilsynet Sør og Vest 14.03.2016
Løyve frå Kystverket Vest 16.02.2016
Kart over godkjent plassering
Klageskjema

Kopi:

Fylkesmannen i Hordaland
Fiskeridirektoratet Region Vest
Mattilsynet avdeling Sør og Vest
Kystverket Vest
Radøy kommune


H-L-19, H-ML-1, H-R-4, H-R-8 og H-R-11 Blom Fiskeoppdrett AS Lokalitet 11738 Otterholmen



Lokalitet 11738 Otterholmen



Målestokk: 1:10 000



Hordaland fylkeskommune

Agnes Mowinckels gate 5
PB 7900
5020 Bergen

Tlf: 55 23 90 00
e-post: hfk@hfk.no
www.hordaland.no

Foretaksnr. NO 938 626 367 mva.
Kontonr. [xxxx xx xxxxxx]

(1) Sendar (stemplet til forvaltningsorganet) Hordaland fylkeskommune Agnes Mowinckels gate 5 PB 7900 5020 BERGEN	Melding om rett til å klage over forvaltningsvedtak (Forvaltningslova § 27 tredje leddet) 05.02.2018
(3) Mottakar (namn og adresse) Blom Fiskeoppdrett AS	(4) Klageinstans Fiskeridirektoratet
<p>Denne meldinga gjev viktige opplysningar dersom De vil klage på eit vedtak De er gjord kjend med.</p> <p>Klagerett De har rett til å klage på vedtaket.</p> <p>Kven kan De klage til? Klaga sender De til oss, dvs. det organet som er ført opp i rubrikk (1). Dersom vi ikkje endrar vedtaket vårt som følge av klaga, sender vi klaga over til klageinstansen, jf. rubrikk (4).</p> <p>Klagefrist Klagefristen er tre - 3 - veker frå den dagen dette brevet kom fram. Det er nok at klaga er postlagd før fristen går ut. Dersom De klagar så seint at det kan vere uklart for oss om De har klaga i rett tid, bør De oppgje datoen for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og da må De nemne grunnen til at De ønskjer det.</p> <p>Rett til å krevjegrungjeving Dersom De meiner at vi ikkje har grungjeve vedtaket, kan De krevje ei slik grungjeving før fristen går ut. Ny klagefrist blir då rekna frå den dagen De får grungjevinga.</p> <p>Innhaldet i klaga De må presisere</p> <ul style="list-style-type: none"> - kva for eit vedtak De klagar på - årsaka til at De klagar - den eller dei endringar De ønskjer - eventuelt andre opplysningar som kan ha noko å seie for vurderinga av klaga <p>Klaga må underskrivast.</p> <p>Utsetjing av gjennomføring av vedtaket Jamvel om De har klagerett, kan vedtaket til vanleg setjas i verk med det same. Men de kan søkje om å få utsett gjennomføringa av vedtaket til klagefristen er ute eller til klaga er avgjort.</p> <p>Rett til å sjå saksdokumenta og til å krevje rettleiing Med visse unntak har De rett til å sjå dokumenta i saka. Reglane om dette finst i § 18 og § 19 i forvaltningslova. De må i tilfelle ta kontakt med oss, jf. rubrikk (1). De vil då få nærmare rettleiing om retten til å klage, om framgangsmåten og om reglane for saksgangen.</p> <p>Kostnadene med klagesaka De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Fylkesmannen eller advokaten Dykkar kan gje nærmare opplysningar om dette. Dersom vedtaket er endra til Dykkar fordel, kan De etter forvaltningslova ha krav på å få dekt store kostnader som har vore naudsynte for å få endra vedtaket. Klageinstansen (jf. rubrikk (4)) vil orientere Dykk om retten til å krevje slik dekning.</p> <p>Klage til Sivilombodsmannen Dersom De meiner at De har vore utsett for urett frå den offentlege forvaltninga, kan De klage til Stortingsombodet for forvaltninga (Sivilombodsmannen). Sivilombodsmannen kan ikkje sjølv endre vedtaket, men kan gje si vurdering av korleis den offentlege forvaltninga har handsama saka, og om dei har gjort feil eller forsømt noko. Dette gjeld likevel ikkje i saker som er avgjorde av Kongen i statsråd. Dersom De no får klaga Dykkar avgjort i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.</p>	
Særlege opplysningar	

X-0073 N (Godkj. 05-95) Elektronisk utgåve